

願奉道修真願先得道者次第開度

已上十戒眾等能持否

天尊言修齋行道四天王與諸天真皆駕飛雲絳軒八景玉輿侍從玉女手執花幡前導後從獅子白鶴嘯歌嘒嘒燒香散花淨空而來瞻禮行道觀聽法音當先授十戒然後行道衷心靜默專想不二過中不味內外清虛諸天監觀萬靈侍衛不得自慢以招禍災進退雍容不離儀格天真懽悅列名上清

奉戒回向

道門科範大全集卷之五十九

道門科範大全集卷之六十六十二同卷 啓七

廣成先生杜光庭制定

北斗延生道場儀

啓壇行道

陞壇法事如式

各禮師存念如法

宣衛靈呪

五星列照 煥明五方 水星却災 木德致昌 熒惑消禍 太白辟兵 鎮星四據 家國利亨 名利玉簡 字錄帝房 乘駃散景 飛騰太空 出入冥無 遊宴十方 五雲浮蓋 招神攝風 役使萬靈 上衛仙翁 和與道合真

鳴法鼓二十四通

無上三天玄元始三炁太上道君太上老君 召出巨身中三五功曹左右官使者左右捧香驛龍騎吏侍香金童傳言散花玉女五帝直符直日香官合三十六人出出者嚴裝顯服冠帶垂纓闕啓玄壇土地方域神真巨令靜夜行道謹奏為入意其諸情悃已錄告聞願得太上十方至真道炁靈寶瑞光下降流

入巨身中令巨所啓速達徑御

太上無極大道

昊天玉皇上帝御前

請稱法位

具位巨某等謹同誠上啓

虛无自然元始天尊太上大道尹太上老君 昊天玉皇上帝九皇上真十方已得道大聖 衆至真諸君丈人三十六部尊經玄中大法 師圓穹玄象日月星辰北斗尊帝七元輔弼 星君南極大帝丈人司馬六司星君本命元 辰洞天海嶽三界官屬一切真靈巨等以今 奉為弟子某伏值本命所屬北斗某星君下 降之辰預夜就某處建立華壇修設延生注 祿靈寶清醮一壇命巨等以今日時宣行 齋法薦福消災奏章懇願增延福壽濟度存 亡巨竊以弟子某身在塵寰命由天府若不 離謝真君及轉經行道則天曹命曆無由添 算陰司罪簿無由落名巨等見在懇切專誠 理宜闢奏伏乞 天恩蕩宥赦除弟子某億劫以來至于今日

三業六根無邊之罪或魂神被繫禍患來鍾或重病不痊邪妖剋害或塚訟徵呼或先亡復連或上天譴責或下鬼詭誣並願斷除使身清靜闕奏感通善達天司得與弟子於本命限期增祿增壽使其立功濟物功滿德就侍衛

帝宸無極道前

懺悔

重稱法位
具位_臣等謹重誠上啓

虛無自然元始天尊太上大道君太上老君。昊天玉皇上帝九皇上真十方已得道大聖眾至真諸君丈人三十六部尊經玄中大法師圓穹玄象日月星辰北斗尊帝七元輔弼星君南極大帝丈人司馬六司星君本命元辰洞天海嶽三界官屬一切真靈_臣等伏聞輝黎演教開懷災度厄之門玉局傳經有削死延生之法是乃遵依科教開建齋壇迎集天祺拔除時疹上延景貺以彌餘延_臣等啓事之初告齋惟始將宣行於道化欲洪濟於

斯人延承命於無窮達至誠於有感況奉詞旨敢不上聞

宣詞

按如詞文灼見誠個致茲芬而交薦燦馥郁以上通執鋒步斗而百魅潛藏披篆宣文而千災蕩散命寃蒙於清館設醮席於華堂明燭騰輝靈幡散影鐘磬節空歌之奏旌幢引仙馭之臨諒精意之升聞感眾真之求格恩惟三清上聖十極高真垂神省覽監察丹衷乞勅監察使者里域真官奏事金童傳言玉女靈寶官屬一合同心肅清內外管護道場使_臣等神氣不逸思念立感啓奏上達齋功成就庶使弟子某智慧性圓道心開發出羣迷徑入希夷門皈奉真宗達生榮界_臣無任懇禱之至謹稽首再拜以聞

十二願

復爐

謹攝香官使者左右龍虎君侍者諸靈官當令_臣向來靜夜行道之所自然生金液丹碧芝英百靈眾真交會在此香火爐前當願十

方仙童玉女接待侍蘭煙傳_臣向來所啓之誠速達徑御

至真無極大道

昊天玉皇上帝御前

出堂頌 出戶

道門科範大全集卷之六十